

ցուց յառաջ եւ յետոյ էր եւ մնաց հայ ազգի քարախուեն սիրտը :

Պորհուն գլուխը, իմացականութիւնը, եթէ անգամ չոյենք հակառակ հոսանքը նրան վերապահելով այդ կարողութիւնը, անյուսալի ոյժ է առանց սրտի ներշնչումների: Գործնական ասպարէզում դշտցական գեղումներն են մտքի իսկական թեւն ու թափը: Մամիկոնեան հոսանքն էր պատրաստել այն սերմերը, որից բուսաւ Բագրատունիների հունձը: Ազատասիրութիւնը եւս պէտք ունի հոգածու ձեռքերի: Սիգախումները եւ բողոքի որոտումները որքան եւ անհետեւանք, այն նշանակութիւնն ունին, որ չեն թողնում, որ ժողովրդի խոնարհութիւնն ու հլուութիւնն հաւասարուի ստրկութեան:

Պէտք դգալ եւ պարտք պաշտպանելու քաղաքական իրաւունքները անգամ մահուան գլուխով — այն հոգն է, որի վրայ կանգնեց Բագարանի արքունիքը եւ որի պատրաստութեան են ծառայած եւ նախորդ զինական շարժումները:

Սխալ կը լինէր կարծել սակայն, որ երկու խոչոր հոսանքները, որ ահօսում են մեր անցեալի չորս դարը, երկու իշխանական ընտանեկան տրամադրութեանց ստիպական ծնունդն են. կամ նրանց տոհմային ընդունակութեանց արտայայտութիւն: Մամիկոնեան եւ Բագրատունի տները երկու ուղղութեանց առաջնորդներն են, դեկավար ոյժերը եւ ոչ նրանց ստեղծագործողները: Եթէ այդ իշխանական տոհմերը բնաջինջ չլինէին կամ եղած լինէին շատ առաջ, հոսանքները պիտի շարունակուէին: Գուցէ կը կորցնէին որոշ երանգը, որ պայմանաւորուած է երկու տների անհատական յատկութեամբ, բայց իրենց էութիւնը ոչինչ չէր տուժիլ:

Գծածս քաղաքական հոսանքներն աւելի խոր արմատներ ունին եւ հանգչում են պատմական կեանքի զարգացման սարքեր տնտեսական — հասարակական երեւումների վրայ: Դրանք են հին նախարարական կարգը եւ նորածին քաղքենութիւնը:

Սկզբում տիրական էր Հայաստանում, ինչպէս եւ ամբողջ իրանում Փէոտարականութիւնը: Մասանեանների անկումով պիտի թուլանար եւ չքանար արեւելեան այդ հինաւուրց

իրաւակարգը: Արարները նպատակեցին նրա քայքայման: Չորս դարուան անընդհատ կռիւներում նախարարական 50 չափ տոհմերը ջրնջուել էին եւ մնացել միայն մի տասնեակ: Արդ՝ Մամիկոնեան հոսանքը հայ Ֆէոդալականութեան, հայ զինուած ազնուականութեան ասպետական շունչն էր: Ազնուականութեան տրկարացման եւ անկումի հետ պիտի վերանար հրապարակից եւ նրա զաղախարական յայտարար Մամիկոնեան տունը: Արարները չէին, որ պիտի հովանաւորէին Մամիկոնեաններին:

Անցնող ազնուականութեան դիրքերը հետողհետէ գրաւում էր նոր բիւրգերական դասը, քաղքենի հասարակութիւնը: Իշխանական ամբոցները մամոտտում էին եւ քաղաքները չենանում: Ահա այդ նոր հասարակական ոյժին է, որ յենում են Բագրատունիները աւելի քան նօսրացած ազնուականութեան:

Նախարարական Հայաստանի ամէն մի անկիւն կեանքի սիւքը բայց անկախ հնոց էր, ինքնամիտի եւ ինքնաբաւ տնտեսական եւ հասարակական մի միութիւն: Ինքն իր պիտոյքներն է հայթայթում, պարապելով հողագործութեամբ եւ անասնապահութեամբ: Ուրիշ դասակարգ չկար բացի աշխատաւոր շինականութիւնից: Սա պէտք ունէր իր իշխանին, որ պահպանէր սահմանները արտաքին թշնամիներից, օտար յարձակումներից եւ առ ու կողպուտից:

Քաղաքային բնակչութեան հաշիւներն այլ են: Սրա գրադմունքն է գլխաւորապէս վաճառաչահութիւն եւ արհեստները: Երկուսն էլ պահանջում են դործունէութեան լայն եւ մեծ շրջան եւ ճանապարհների ապահովութիւն: Միահեծան իշխանութիւնը գերադասելի է քան մանր տէրերի ցանցը, որ իրապէս մի թախարգ է ապրանք տանող եւ բերող կարաւանների համար: Նկատելու է նաեւ, որ քաղաքների բնակչութիւնը բաղկացած էր մեծ մասամբ օտարներից, աւելի արար, հրեայ, ասորի եւ պարսիկ կային քան հայ, որ տակաւին ընտել չէին առեւտրի:

Սաղաղ քաղաքականութիւնն աւելի էր համապատասխանում քաղաքներին քան աղատազրական իրարանցումները: Արճէշի օրինակը իրատական է: Երբ հայ ապստամբները՝ 772 թուին գնացին Արճէշի վրայ, քաղաքա-